

Saksbehandlar: Anne-Kjersti Stenehjelm, Fylkesrådmannen  
Sak nr.: 16/6723-1

## **Representantar til regionalt brukarutval i Helse Vest 2017 - 2019**

### **Sekretæren rår fylkesrådet for eldre til å gje slik tilråding:**

Fylkesrådet for eldre i Sogn og Fjordane fremjar følgjande framlegg til nytt medlem/varamedlem:

Medlem/varamedlem: .....

#### Vedlegg:

Brev frå Helse Vest datert 10. juni 2016

---

## **SAKSFRAMSTILLING**

---

Det regionale brukarutvalet vart etablert i styret i Helse Vest RHF i 2002, sak 051/02. Representantar i det regionale brukarutvalet vert peika ut for to år om gongen. Noverande representantar vart oppnemnde av styret i Helse Vest den 5. november 2014 for funksjonsperioden 2015 – 2017. Styret i Helse Vest skal oppnemne nytt brukarutval for perioden januar 2017 – januar 2019 i styremøte 2. november 2016.

Brukarutvalet skal mellom anna vere eit rådgjevande organ for styret og administrerande direktør i helseføretaka i saker som angår tilbodet til pasientar, brukarar og pårørande, i tillegg til å delta i plan- og utviklingsarbeid og i prosjektgrupper på regionalt og nasjonalt nivå. Brukarutvalet består av 10 representantar, og har om lag 10 møte i året. Brukarutvalet konstituerer seg sjølve på det fyrste møte for det nye utvalet. Opplæring i brukarmedverknad skjer fyrst og fremst i regi av organisasjonane, men i samband med utnemning av nye brukarutval i Helse Vest arrangere eit heildagsseminar der det vert gjeve opplæring om helseføretaka og deira hovudoppgåver, styrings- og finansieringssystem, lovar og rettar, pasienttryggleik og brukarutvala si rolle.

I styresak 009/12 vedtok styret i Helse Vest følgjande prinsipp for samansetting av det regionale brukarutvalet, og desse er som følgjer:

- Funksjonshemmedes fellesorganisasjon (FFO) Hordaland, Rogaland og Sogn og Fjordane føreslår til saman seks representantar
- Samarbeidsforumet for funksjonshemmedes organisasjoner (SAFO) føreslår ein representant
- Fylkeseldrerådet føreslår ein representant
- Kreftforeningen føreslår ein representant
- Det skal også fremjast forslag om vararepresentantar

Organisasjonane skal føreslå ein breiast mogleg representasjon av medlemsmassen, slik at ulike pasientgrupper innan både somatikk, psykiatri TSB vert representerte. Det er eit berande prinsipp for samansettinga av brukarutvalet i Helse Vest at representantane ikkje berre representerer sine egne særinteresser, men representerer ein større totalitet av både små og store, svake og sterke pasientgrupper.

Følgjande kriterium skal gjelde for samansetting av det regionale brukarutvalet:

- Brukarrepresentantane skal sjølv ha erfaring som pasient- og/eller pårørande, og bør som hovudregel ikkje vere medlem av andre brukarutval i Helse Vest.
- For å sikre fornying og kontinuitet er det ein hovudregel at ein representant ikkje sit i meir enn tre periodar samanhengande i brukarutvalet. Ein brukarrepresentant kan likevel vere vara uavhengig av dette.
- Brukarrepresentantane skal ha god brukarkompetanse. Det er ein føresetnad at brukarrepresentantane har/tek på seg å vere kvalifiserte til å delta og å bidra til forbetring gjennom planmessig kompetanseutvikling og systematisering av egne og andre sine erfaringar.
- Det vil og bli lagt vekt på at mindre synlege pasientgrupper, og pasientgrupper som i mindre grad er i stand til å ta vare på egne interesser, er representert. Dette er til dømes etniske minoritetar og barn og unge.
- Representantane skal vere geografisk jamt fordelte i regionen, det skal vere tilnærma lik fordeling mellom kvinner og menn, og det skal vere ei rimeleg alderssamansetning

I tråd med desse kriteria har Helse Vest invitert fylkesråda for eldre i regionen til å føreslå ein brukarrepresentant med vara til det regionale brukarutvalet i Helse Vest for perioden januar 2017 til januar 2019.

I perioden 2015 – 2016 er det Rogaland som har hatt medlem, og Hordaland som har hatt varamedlem.

Frist for å sende inn forslag er 3. oktober 2016.